

春縣志卷之一

輿地

諸圖
山水

沿革
氣候

疆域
風俗

分野
物產

都里

周禮大司徒之職掌天下之圖以周知地域廣輪之數因之測日景制封疆造都鄙辨其山林川澤之名察其天地陰陽之氣以知地俗以辨地物至纖悉也夫豈規撫形勢僅考職方已乎蓋于疆于理爲天子守土安擾之道在是耳陽春自蕭梁置縣千有餘年保障撫綏以固吾圉匪異人任幸際聖朝幅幘日廣金甌永奠重以

神周海表區內宅心撫茲土者固宜考方志而知所綏

陽春縣志

卷之一

輿地

一

靖矣是故首以輿圖疆域沿革察地里也繼以分野觀天文也都里山水次之所以表厥宅里相其高下也氣候風俗又次之剛柔燥濕異氣民生其間異俗也至於物土之宜而布其利是又在守上者之善爲經理焉作輿地志


縣境圖

陽春縣志

卷之一 輿地

二






五都圖

陽春縣志

卷之一

輿地

四






陽春縣志

卷之一 輿地

五





陽春縣志

卷之一 輿地

六





陽春縣志


卷之一 輿地

七





縣治圖




陽春縣志

卷之一

輿地

十







學宮圖


陽春縣志

卷之一 輿地

十四








陽春縣志

卷之一
輿地

十六

書院圖



沿革表

漢三國

高涼縣
□
□
□
□

晉

宋

齊梁陳

隋
開皇十年廢

唐
春州南

五代
春州
屬南漢

宋
開寶六年廢
州置廢
復置廢
祥符九年
又廢
元祐六年
熙寧六年
廢

元

明

陽春縣志

卷之一 輿地

十八

莫陽縣

□置初屬
高興郡太
康後屬高
涼郡

莫陽縣

屬高涼郡

莫陽縣

齊屬高涼
郡梁陳時
廢

梁南縣
置

間置未可
據也

開皇十八
年改名南
流大業初
省入銅陵
縣

勒州雲

屬春州

天寶後置

羅水縣

陽春縣
復置省入

勤州

屬春州

羅水縣

開寶六年

縣省入陽春

天禧四年
仍屬春州
熙寧六年
屬南恩州
○按舊志
謂祥符九
年改陽春
為新陽春
為新陽春
誤也

陽春縣
梁置陽春
郡治○按
隋書地理
志陽春縣
梁置不著
何年舊志
謂梁天監

陽春縣
屬高州大
涼初屬高
涼郡

陽春縣
春州治

元祐六年
南陵郡改
寶元元年
置春州
武德四年
陵郡

陽春縣
春州治

開寶五年
改屬恩州
六年復屬
春州大中
祥符九年
祥符九年
屬新州改

陽春縣
開寶五年
改屬恩州
六年復屬
春州大中
祥符九年
祥符九年
屬新州改

陽春縣
至元十三
年屬南恩
路十九年
屬南恩州

陽春縣
洪武元年
屬武元

慶府西南廣九十里 一百七十里

府城三百四十里至省城四百八十里至京

千三百五十里

東至陽江珠環山界六十里 珠 以 北 爲 恩 平 界 西至東

西山界三十里 南至陽江清湖界七十里

至新興鉛鐵岡界一百里

東北至新興王高山界一百二十里 東南至陽

江輪水河界五十里 西南至黃垌及電白攬

榕界一百五十里 黃 茂 名 西 界 西北至東安分界

陽春縣志

卷之一

輿地

二十

墟一百二十里

分野

分野曰星紀分星曰牽牛婺女

按周禮保章氏以星土辨九州之地所封封

皆有分星以觀妖祥其說尚矣惜其法不得

焉史記及漢書天文志以牽牛婺女爲粵分嶺分

紀及後漢郡國志以牽牛婺女爲粵分嶺表

揚州南境爲百越之國故僧一行曰韶廣以

珠崖以東屬星紀之次宋史曰廣南東西路

牽牛婺 分也又有 之北斗者

鈎曰徐揚屬權星是也有繫之三台者論
輔象曰荆揚屬下級是也有繫之五緯星
經曰熒惑主荆揚交州僧一行曰星紀鶉
南海熒惑位焉是也有繫之南斗者梁大
年十月彗出南斗而李賁反交州隋大業九
五月熒惑入南斗而陳瑱陷信安郡今肇慶府
夫秦居西北而鶉首次於東南越居東南而
紀次於東北揆之於理誠有如易氏 譏者
乎保章之法不得聞也 讀

欽定皇輿全覽圖以星度推地里在天一度有地二百

陽春縣志

卷之一

輿地

二十一

京師爲中線偏度爲里差肇慶府當緯二十四度
西五度測量之精超越前古洵足以廣分野
說矣

都里

南廂都城東南約三十里南連南鄉北連思
陽江縣界東北恩平縣界路極險隘須嚴防
分四圖後併爲一圖計四堡曰頭堡曰猺堡曰
在堡曰平坦堡皆典史屬

思良都城北約一百一十里東接新興縣分界
來往咽喉之地西北接順陽南接南廂原

後併爲一圖計三堡曰那烏堡曰雲霖堡

順陽都城西北約一百里東接思良南連南接西山及東安縣界北抵傅林西北兩界重洞奸宄易藏宜嚴守禦原分六圖後併爲一圖五堡曰高岡堡曰青山堡曰大錨灣堡曰蓮塘堡曰藕塘堡以上二都黃泥灣司屬

南鄉都城東南約四十里東南接陽江縣界西連太平北接南廂原分六圖後併爲一圖計十堡曰上河上堡曰上河下堡曰下河上堡曰岡尾李堡

曰岡尾黎堡曰扶民堡曰下河下堡曰石菴那旦堡曰龐垌堡

太平都城西約一百二十里東連南鄉西抵界南抵電白縣界北接南鄉原分八圖後併爲一圖計八堡曰鳳南堡曰鳳北堡曰潭水堡曰現堡曰三甲堡曰六甲堡曰七甲堡曰八甲堡以上二都古良司屬

乾隆二十一年二月督撫憲諭粵東地方遼濶

內村莊分撥佐貳捕巡就近巡緝以佐牧令耳所不逮惟是村莊必須分配得宜斯繁簡適均西

巡緝易遍其有管轄村莊過少者將管轄較多之處就近酌議改隸繪圖造冊將原隸與現議改隸各村莊道里遠近分晰註明稟覆於是將典史所管之平坦堡古良司之現管上河上堡就近改屬黃坭灣司又將古良司現管之上河下堡下河上堡扶民堡岡尾黎堡李堡均就近改屬典史

陽春幅幘周密自萬厯初年割去西山屬東安縣臂指始不相聯顧且其地竹木貨物皆順流售於陽春而民乃他屬誠覺不便又所割黎埭東安仔等處原在太平都內四圍皆陽春地而

此獨屬東安且距東安城三百餘里錢糧之輸運奸宄之藏匿難於提攝顧因循百餘年未有能改正者姑記於此以待體國經野之君子王志又陽春向爲僻縣里役頗簡順治間因繡逆盤踞恩平開平大路阻塞凡官兵差務往來於高廉雷瓊者悉取道陽春簡僻變爲衝難矣彈丸小邑夫馬供應民不堪命今承平日久恩平開平大路無礙也何時得復其舊俾民幸息肩乎

同上

縣前街左達東門右達西門舊名永樂街廣丈餘

長一百三十餘丈

所前街直出南門廣二丈餘長三十餘丈又名南門街

北門街自縣前街橫過至所前之左邊直達北門廣二丈長三十餘丈

後街自北門沿城脚而右至學後橫過抵西城脚又沿西城脚直至西門

水街一名十字街在西門外

河亭街繞河干半里許

洗馬巷街由西門外水街南橫過直達河亭

陽春縣志

卷之一

輿地

二十四

文聚街在萬壽寺右側

崔塘街在城外正北

新富街在東門外

南門外街由南門直抵壇邊村

德澤坊東門內街

文星坊西門內街

景福坊南門內街

從善坊北門內街

里仁坊縣前街

永樂坊學後街

儒科首登坊西門外今改興隆

花園坊西門外

浣馬坊西門外

安定坊西門外

石橋坊北門外

山

朝天几嶺在城北一百二十里順陽都高二百仞
周六十里為陽春陽江恩平開平新興新會六縣
祖山巍峩倚霄一邑雄鎮也左條發支為新興之
白花頂右條發支為邑之雲浮山

陽春縣志

卷之一 輿地

二十五

雲浮山俗名雲利尖舊志作浮雲山誤在城北一百里順陽都高

一百五十丈周四十餘里峯巒峻峙常有白雲浮
於其上故名舊傳陳武帝曾居此有偃松石床瀑
布諸勝雲浮水出其下

射木山俗名穀磨嶺在城東南十里許南廂都高百餘

丈上有射木神祠唐侍郎姜晦貶此遇旱祈雨輒
應遂立祠焉

雲靈山廣東輿圖即射木山誤在城東南十五里南廂都

數百丈周數十里延綿蒼鬱頂有石橋雲霧其
則雨開則霽諺云晴不晴 雲靈

七星嶺在城東南二十里與雲靈山相連山頂有古瓦盤故俗名黃盤頂相傳昔有仙人煉丹於此猶存丹竈云

七星丹竈舊志八景之三

馬鞍山在城東南十里南廂都高百餘丈形如馬鞍相傳山頂有古瓦盤圍八尺許貯泉瑩澈遊人掬飲之次日復滿然訪者不可必得或云盤在七星嶺今所稱黃盤頂是也

望州嶺

又名旗山

在城西南四里南廂都高百丈袤數

十里舊志謂山巔足攬一州故名

涼繖岡在城東五里許高五十丈周數十里爲縣

治主山盤旋綿亘中卓一峯甚圓秀以象名也

鐵坑山古名砂仁逕在城南十里南廂都高三十餘丈產鐵礦故名繚曲盤旋古木森蔽宋胡銓曾遊此有留題詩

見藝文

磁石岡在城南五里南廂都高十餘丈出磁石鷺抱嶺在城南十餘里南鄉都高百餘丈嶺上一石如鷺抱狀又一石平削有巨人及馬蹄跡相傳山中有異果遊者偶得而食之若懷歸輒迷失云黃坭岡在城西十五里南鄉都高十餘丈周數里上有平坡相傳有石鹿常羣遊其間

白豬石山在城西十五里南鄉都高二十餘丈周十餘里巒岼巉削有白石如豬故名

淡苔嶺

俗呼淡來

在城東北二十里高百餘丈延襄橫

巨雙峯秀倚雲表狀若仙橋博麻水出焉

南山在城西南三十餘里南鄉都高百餘丈迴巒疊翠爲縣治關鎖山半有寺

石緣山在城西南三十里南鄉都高數十丈上有叢石其色淡碧經雨益妍山下出泉流爲石綠水鸚鵡山在城西南四十里南鄉都高三十餘丈周十五里有巨石如鸚鵡故名山南一石有巨人

萬曆辛巳五月大雨山裂下瀦爲潭深不可測又有石類削成八面者大小無數白者如晶黑者如漆皆端正瑩澈亦一異也

鑼湖山在城西南四十餘里太平都高數十丈巍然突起上有天湖沉清冷四時不涸

旗鼓山在城西南五十里太平都高百餘丈山巔有石森若旗鼓又有石如人立狀相傳常有鼓聲

云

雙營旗鼓舊志八景之四

鳳凰山在城西南六十里太平都高五十丈周

甲山形若鳳凰迴翔天表

將中岡在城北八十里思良都高三十餘丈周四十五里岡壠起伏狀若湧濤相傳唐李英公靖嘗屯兵於此

珠環山在城東八十里南鄉都高六十丈周五十里諸峯堆螺如貫珠然爲陽春陽江分界

石人山在城西南一百二十里太平都高百餘丈周十餘里有巨石如人形

木蘭山在城西南一百二十里太平都高三十餘丈周八九里峯巒明秀林木茂密

王母樓山在城西南一百六十里太平都高六百

餘丈周六七十里山頂時興雲霧異草奇花珍禽野獸山半平石有巨人卧跡左支渡羅巷徑發王嶺頭竹徑尖石壁高岡喬連諸山右支發爲師丫髻羅黃白水仙家洞桐汕下瀧那旦諸山綿亘百餘里峯巒秀麗爲邑中西南屏障

白水山在城西南百三十里太平都高四百餘丈周四十里有天池龍井百道清泉滙爲一峽奔注於兩峯間直曳百丈許下爲石潭淵深莫測名龍潭潭水每響可占晴雨山上舊有白馬神祠

羅黃山在城西南一百四十里太平都高百餘丈
周三十里峯巒突聳上有飛泉下注成淵 有
巖中有羽人跡長尺許山下居民多羅黃二姓
名

白水嶺在城東北五十五里南廂都高百丈雙峯
天際望若芙蓉迤邐而南蜿蟺不斷羅鳳水出其
下

銅石山在城北八十里思良都高五十丈袤五里
眉深黛上與天碧面橫一峯端若玉案亘如長
橋山半有墓相傳爲劉女仙祖墳有盜之者雷電

立至

椽木山在城東北一百二十里思良都高數百丈
周八十里絕 俯瞰諸山如培塿天池一泓秋冬
不竭雲翳其上則雨 路通恩平

挂雪嶺在城東北一百二十五里思良都高數百
丈周百餘里雲霧三時秋晴一露巔有小阜五列
如梅瓣雪後望之素若瑤林一奇觀也

牛 嶺在城北一百里高五十丈與新興分界處
鉛鐵岡在城北一百一十里思良都高五十餘丈
周二十餘里山西南出鉛鐵

天堂山在城西七十里太平都高數百丈周數里上有一池廣十丈深數丈淵渟清冽常宿白雲水旱祈禱輒驗

由子嶺在城西一百二十里太平都高數十丈袤延數十里南去二三里石竇崿岬噴濤飛雪聞數里外蓋甘婪水也山腰有路通東安信宜諸縣楊柳嶺在城西一百里太平都高數十丈雙巒並出望若門闕上有一石方坦可坐四十許人行者憩焉

崆峒巖南越志云甘東縣二里有巨石焉太平寰

宇記云此山有二石室有懸泉飛渚金膏銀燭靈芝玉髓之異不可具錄金膏者澤如膏銀燭者其光可燭其石自然成樓臺柱棟石床石池石田制置皆如人巧父老云此室者仙所以觴百神也其靈稍顯時有白雲芳風朱華谷中輒有鸞鳳之按甘東今陽春縣地古所稱石室卽茲巖也在城西約十里南鄉都穹窿軒豁巖半一穴爲洞門內深廣數十丈洞分前後中擎二柱巧若神工石乳下垂千態萬狀蓋遠年滴水所凝所謂玉乳也前洞有石床厚尺許床上皆作芝草形後洞尤幽

左有瀑布下注爲龍井深不可測右有縣石二
之作鐘鼓聲再入則半壁復闢一竇攀緣而上有
石橋飛渡寬數尺長三丈許名曰仙橋登高外望
則四野獻綠萬笏攢碧一大觀也乾隆二十一年
邑令姜山搜剔幽勝學使吳鴻給諫曹秀先並有
留題焉見藝文 崆峒玉
乳舊志八景之一
師子巖在城北十五里舊有獅子庵甚隘嘉慶二
十年邑人巖有容等遷於庵西依崖構 茲巖之
勝乃出內有六祖巖伽藍崖紫霄宮最高爲蓮渚
閣凡數十楹憑高一覽奧如 如矣

翹石巖在城北十餘里南廂都有石高橫若橋下

有澄潭遊鱗可翫

石橋遊鱗舊
志八景之八

銅石巖一名通眞巖在城北八十里思良都巖有
石室高三四丈深廣丈餘相傳唐時有劉三妹於
此飛昇歌臺故蹟在焉府志云宋眞宗咸平初賜
太宗御書藏於石室且多宋元以來石刻前爲德

慧寺

銅石禪林舊
志八景之二

青雲巖在城北八十里思良都高五十丈由雲霖
巖嶙峋而來中斷忽起壁立峭然藤蘿蔓衍石磴
幽折巖敞可容千人奇譎奧妙有逾鬼斧巖東爲

石角巖在城北八十里思良都深廣十餘丈內有
石塘水清可飲鄉人常避寇於此後巖深不可測
舊志謂之
石脚巖

金龍巖在城北四十五里順陽都初緣石磴攀援
而行至巖則洞宇平敞有池深數丈明季鄉人祀
關帝其上祈禱輒應

麒麟巖舊志名
潭西巖在城北三十五里順陽都深百餘

步上有一孔卓午則日光下射歲旱村人祈雨輒
見雲氣自孔中蓬蓬然起雷電立至有水從巖底
西流而來瀦爲潭以火燭之水自熱燄色紺碧如

陽春縣志

卷之一 輿地

三十三

燒樟腦亦一異云

赤豹巖在城北三十五里順陽都巖境幽窈相傳
童真人傳道劉女仙處有赤豹跡云真人常騎以
出入也

紫雲巖去赤豹巖里許門徑幽邃石鐘鼓各一扣
之有聲又有石如龜蛇蟠伏狀土人塑真武像祀

焉亦名龍蛻巖內有元至正碑名曰
古良上里巖寺租八石莫珍施

寶帶巖在順陽都俗呼大巖獐田環之巖中石乳
四垂高敞可坐千人

魚王石屹立江潯古木怪藤偃蹇可愛下有魚

廟歲旱禱雨者投藤藥於潭多巨魚浮出即得大雨

潭西石在南廂都三峯聯若筆架有石如獅蹲如馬如羊如飛鳥奇怪不可方物與楊公廟石對峙

爲上三都門戶有鑿其石而灰之者漸剝落斑赤里人患之乃僉謀捐金買是山請於縣令張桂森示禁勒碑此非徒形家言亦覽勝者所樂道也

三關石在順陽都形如巨鼉奔注下飲長川其尾插入雲際與潭西石對峙江湄峩然壯觀土人建楊公廟於其麓屢經縣令嚴禁伐石其勝跡遂顯那虹石近合水口有虹陽洞穴凡二初八仄隘

陽春縣志

卷之一

輿地

三十四

乃曠朗深不可量

大瑯石在那虹北有瑯陽洞穴凡三四處深奧莫測俗傳藏有丹籙云

那烏石下有人家舊移古良巡司於此

流冲石在順陽都兩峯端秀紺碧如染

石壁在思良都攢簇水次凡數十疊昔人避寇結砦其上

潭葛石數十卷疊倚自那烏西達於江

獅子石在城北九十里思良都昂藏偃仰如蹲而吼中有巖穴天然紺宇土人以祀文昌神及武帝

焉

題詩石在城西四十里壁立天際其半有洞深
巉巖人跡罕至石壁有詩隱約可辨無姓名或以
爲仙跡云

龍巖石一名員眼石在城西北十里南鄉都高三
十餘丈巖頂平如砥明孝廉馮仕琦建寺其上

龍巖

遠眺姜志新
八景之七

按陽春境東西兩山夾峙東山自新興天堂過
脉頓起爲王高尖歷瓦盎劉垌至珠環山分支
轉西結爲縣治餘支至輪水河口西山自東安

陽春縣志

卷之一

輿地

三十五

迅蓬嶺來一支束上灣口別出一支爲高田爲
旗鼓更起爲南山過白土起良垌再起爲潭梅
至古良水口別一支自茂名界來轉東爲羅黃
丫髻諸山歷上下瀧至牛牯尖東北行爲那旦
其間巒迴岫合川原清麗固嶺南上邑也

水

舊學水源出射木諸山遶梅花村舊學基與冠溪
會流入漠陽江

冠溪在城東八里許南廂都水極清美夾岸峭壁
飛瀑瀉而爲潭澄澈見底有巨石平削臨流環

可容數十人冬月引水由東門入灌泮池凡城

井可通水脉者皆甘冽

冠溪泉石姜志
新八景之八

博麻水在城東北二十里源出淡苔嶺流二十里

合麻黃水經北灌河西流入漠陽江

高遼水在城東三十里源出臺嶺曲折流二十里

經流村灣入漠陽江

羅鳳水在城北五十里出白水嶺流二十里經龍

灣岡西流入漠陽江

那烏水在城北七十里出大垌正東諸山經那烏

從石壁西北流入漠陽江

古勤州水在城北五十里順陽都出狼狂山經灣

口至渡頭合博學水爲西河東南流入漠陽江

博學水在城西北一百里順陽都出霜黃山經長

塘沙壩過冲垌至水角合石岡水又經渡頭合勤

州水東南流入漠陽江

雲霖水在城北九十里出盤龍諸嶺遶舊銅陵縣

至雲霖巖南流入漠陽江

雲浮水在城北一百三十里順陽都出雲浮山有

二源一出山之麓由客郎村經新興界過古傅林

縣南流入漠陽江一出山之西經柳洞七十里過

瀧水西南流入記垆水

輪水在城南五十里南鄉都出大水扶民雲靈

處經流十五里抵黃沙流入漠陽江水東南爲陽

江境

石綠水在城西三十里南鄉都出石綠山流十五里合渡口水入漠陽江

羅水在城西南一百四十里太平都出羅黃山流五十里經大沙灣東流入漠陽江

麻陳水在城西南一百五十里太平都源出電白縣諸山流百里許合羅水入漠陽江

陽春縣志

卷之一

輿地

三十七

黃稿水一名甘婪水在城西一百二十里太平都出庶山巖穴中東北穿巖底過三甲舊縣入漠陽江郡國志云蠻語穴爲甘穿爲婪甘婪者穴穿也雙湑水在城西一百五十里出東安諸山經大陳過石壁至喬連與羅水合流入漠陽江
企勘水在城西南一百里源出上下瀧諸山至澗水河口合羅水入漠陽江

青湖在順陽都龍口塘村東北半里許廣四十頃周可一里深數十丈澄泓淨碧雖旱不涸多巨魚長八九尺風雨之夕鼓浪作鼉鳴俗傳湖與西山

飛鷺潭相通云

白水洒在南廂都平坦堡水由峭壁飛噴而下勢若虹垂聲如雷殷晴雨無異洵一奇觀

溫泉一在城西南百二十里太平都八甲墟後周十餘丈深尺許一在城西南五十里南鄉都固村寬四丈深二尺許皆流自巖穴熱如沸湯寒洿亦

然溫泉長夏舊志入景之六

響水泉在城西七十里龐垌堡從石壁飛下濶丈許凡三疊如曳練下注一潭深廣數丈許湍聞十里歲旱祈雨如響斯應

陽春縣志

卷之一 輿地

三十八

按陽春之水有二日大水日小水舊志所云舊學水博麻水高遼水羅鳳水那烏水雲霖水古勤州水博學水雲浮水石綠水輪水皆會於大水者也其間以黃坭灣爲初合以合水口爲中合以古良爲總合舊志所云羅水麻陳水黃稿水及新載雙滘水皆會於小水者也其間以三甲河口爲初合以潭水峽口爲中合企勘水則又會於澗水河口俱以古良爲總合統爲漠陽江流入陽江界達於海

氣候

陽春氣候多熱少寒匝日之間涼燠頓別冬晴不風可衣單袷盛夏遇雨輒作淒寒故曰四時皆是夏一雨便成秋也嶺南瀕海地卑土薄故陽燠之氣常泄陰濕之氣常盛陽氣泄故一歲之間暑熱過半陰氣盛故晨夕多霧而人苦癘瘧大抵氣之生常早如正月桃始花二月螻蝻鳴王瓜生之類然生而不力氣常宣泄也其肅常遲如九月禾乃登十一月水始涸草木落之類然肅而不嚴氣不收斂也隆寒見冰間或有之凡氣候皆五嶺所同而陽春較省會地尤濕云

邑近崇山故春及夏秋之交多雨上天同雲益之霖霖俗謂之平天雨或東雨西晴或南雨北晴爲分龍雨又火雲鬱蒸踈雨忽至點大如雹爲白撞雨久之地氣蒸濕是生菌菰又或日色微黃雨漂日光閃閃而下爲黃日雨溽而蒸是生螟蠹農夫患之

邑多薰風惟颶風爲異常發於六月望之前後南越志云颶者具四方之風也其至也鳴條怒號甚者發屋拔木或一晝夜而止或二三日而止夏間日邊有暈如虹謂之颶母不出二三日卽有颶風

或占之犁頭雲及觀鵲巢皆可驗蓋鵲於歲多風則巢低少風則巢高也

風俗

按舊志云春俗尚樸衣食儉嗇士知廉謹民不商販器用貨物取給外邑男則耕佃而兼漁獵女則紡績而不事蠶桑今則間有蠶桑者紳士巨族尚衣冠第宅而齊民多科頭跣足結茅爲居環以刺竹燕會相見必以檳榔居常亦用之婚禮尤重檳榔富家益以金帛無子者或迎壻於其家父母之喪或鼓吹而燕弔客疾病不事醫藥而信師巫移化導之君子

春俗男女之別頗嚴大家鉅族兄公弟婦不相見翁媳亦迴避非疾病患難不通問女子出門必蔽面雖耕與樵者亦然婢妾悉買自他方邑中貧賤之家亦無賣女作婢妾者

冠婚之禮將娶延賓加冠命字謂之上頭聘禮重檳榔盛以朱盒飭以彩紅綴以銀盞又多備果餉糖海味之屬每一盒以酒一壺儷之娶之

陳豬羊鷺雞酒盒燈彩鼓樂前導婢僕盛飾往迎
婦輿至門墻揖以入其夕邀親友酣飲名曰糖
梅飲畢集新房中看新婦曰鬧房男女婚嫁以二
十歲內外爲率細民或有童婚者

喪禮旣殯七日一奠或作佛事早晚集功服
奠而哭戚友亦致奠焉居喪不脫衰經葬信青烏
家言有遲之又久始葬者葬時必請顯者詣墳所
點主而後載主以歸

祭以元旦端午中元中秋冬至除夕諸節及祖先
誕辰諱日皆設饌以薦耕者每穫則盛饌薦新春

秋二分前後各祭其祖祠間有依朱子家禮冬至
祭始祖立春祭先祖二分前後祭高曾祖考者
介壽以五十一爲始粵人尙一謂之貞下起元親
友爲稱觴或製錦焉

歲時元旦晨起祀先畢以次稱壽於長者旣乃出
賀親姻謂之拜年上元前筮日招飲謂之飲年酒
迎春盛裝臺閣之戲老少雜沓曰看春牛或撒麻
菽曰消疹元宵張燈各社於初十前蓋棚迎社神
曰開燈同社有生子者卽張一花燈鼓笙歌
宵聚飲曰慶燈至二十日備牲醴祭社神曰

清明插柳於門是月展墓薙草以楮壓墳上謂之
剷山五月朔祭祖先五日飲蒲酒釀角黍懸蒲艾
於門書朱符爲兒女佩鬪龍舟奪標較勝每至逾
月七月七日晒衣及書晨汲井華水貯之以備酒
漿曰神仙水其夕婦女陳花果鍼線以乞巧中元
節城鄉多延僧道爲盂蘭盆會前一日備楮衣酒
食以祀其先九月九日爲登高詩酒之會小兒競
放風箏是月亦展墓冬至日作糖丸祀祖先亦有
於是日祭始祖者臘月二十四日謂之小年晚家
家設筵祀竈謂送竈神除夕祀祖先畢聚家人飲

謂之團年燒爆竹圍坐守歲室中隱處悉然燈以
除虛耗

方言謂父曰爸

巴音

亦曰爹母曰媽

馬音

亦曰𦍋

上音拿聲

謂子曰仔凡物之小者亦曰仔良家子曰亞官仔
奴僕曰賴仔謂平人曰獠嶺北人曰外江獠兩壻
相謂曰老襟外祖父曰公低外祖母曰婆低子女
晚生多名曰孺盡子也音賴平聲或曰𦍋尾子也音米賤其名
使易育曰狗仔稱人貌美曰靚呼顛者曰廢走曰
趨取物曰邏謂卵曰春食飽曰穀數物之束者曰
一子二子穀一熟曰一造夏穫曰早造冬穫曰晚

造構茆以棲曰寮如山寮禾寮是也自陽春以下至瓊州地多曰那某如春之那旦那雄那黃那烏那巴那坐是也

聲音邑中大約有四附城四五十里其音與廣州畧同自三甲至八甲與嘉應州畧同自岡尾至黃菴與陽江近似自高岡至大錨灣與新興近似

陸向榮曰志曷爲述風俗也將以觀其淳澆思所以宜民而更化也春邑古良司屬民風較淳捕屬次之黃泥灣又次之夫簪紱之家四民之表也近者古良一方風氣寢不如古毋亦鄉之

士大夫無以率之歟黃泥灣界連東安新興鄰邑匪徒往往竄入肆掠而附近居民或從而附和之守土者爲之設立約正攻匪保良偵緝以時稍爲斂戢然漸摩化導猶有待焉夫風俗之轉移也百良士以善導之而不足一盪夫以不善誘之而有餘目染耳濡迨其旣甚而思挽之難矣撫茲邑者何以使淳者益進於淳澆者亦化澆而悉歸於淳也耶

物產

穀之屬

稻 有早晚稻

稷

秔 皆稻也

粟

黍

稷

大麥

小麥

珍珠粟

薏苡

驚掌粟 莖小穗多

蕎麥 俗呼三角麥

脂麻

黃豆

菘豆

黑豆

蛾眉豆 白露後熟

烏豇豆

赤小豆

虎爪豆

麻之屬

葛 可為布

苧

青麻

絡麻

蕉 絲可為布比於葛

棉花

陽春縣志

卷之一

輿地

四十四

木棉 與棉花無異

藍 有三種

蔬之屬

木耳

菌 一名地蕈子

杏蕈 出羊良木者

芥菜

白菜

菠薐 一名菜菠

芹菜

茼蒿 一名蓬蒿

莧菜

東風菜

苦蕒 即乘芑之芑

蕓菜

葱

韭

薤

蒜 大小二種

藟

薑

蕨

蘿蔔

油菜

藍

蒼蓬 一名

茹

扁豆

刀豆
俗名刀鞘豆

角豆

蕪之屬

粉葛

大薯
俗名觀薯

番薯
紅白二種

甜薯

芋

山藥
俗呼山薯

瓠子

田一瓠名

葫蘆

絲瓜

稍瓜

俗名田瓜

冬瓜

甜瓜
即香瓜

南瓜

一名金瓜

苦瓜

木瓜

西瓜

王瓜

果之屬

陽春縣志

卷之一

輿地

四十五

柑

橘

金橘
小於橘

荔枝

龍眼

橙

桔
小於柑

柚

枇杷

香櫞

梅

桃

李

棗

波羅

橄欖

柿
大小二種

楊桃

柰

人面果
核如人面

石榴

石栗

菴羅果
即檸檬果

羅椶子
大栗子如

餘甘
味近於橄欖

韶子
俗謂毛韶子

豬膏子
結子如柚

倒粘子
形如馬乳

茨菇

落花生
以中油多用

蔗 有甘蔗竹蔗二種汁俱可作糖邑人多以榨糖爲業

芡 藕 甘蔗 有青蕉牙蕉

桂木子 糖煮可食 山棗 實如圓棗 黃皮果

竹桔子 卍字果 一名拐棗

藥之屬

砂仁 苗莖似高良薑花在此爲最春土產以此爲最 在根下成實必數十顆陽

枸杞 陳皮 益母草

槐花 決明 益智

金銀花 車前 皆治藤 即解暑藤

金櫻子 橙皮 水瓜根

陽春縣志

卷之一

輿地

四十六

薄荷 香薷 菖蒲

紫蘇 蓖麻 接骨草

買麻藤 小茴香 乳汁藤

丁公草 椒 通草

豨薟草 黃蜀葵 草果

狗肝葉 老鴉膽 天南星

胡蔓草 即斷腸草人食立死以羊血解之可愈 還魂草 一名地膽

土瓜 荊芥穗 葦撥 俗名蛤萇

高涼薑 即紅豆蔻 獨脚烏柏 蔓生 使君子

何首烏 番椒 桂皮 今無

鹿茸 今無

蚺蛇

黃礫 俗名金角帶

陵鯉甲 即穿山甲

鍾乳 見太平寰宇記

石斛 太平寰宇記曾進云

無今

竹之屬

水竹

石竹

筵竹 音聶筒甚佳

紫竹

筋竹 作器良

單竹 種分花囊白囊

笏竹 有刺

籬竹 性堅削利如箭可編籬

蒲竹 堅直筍亦堪食

苦竹 此竹瀝以佳

大頭竹

青皮竹 旁枝無出

觀音竹

牛角竹 類大頭竹

簞竹 筍亦佳

桃竹 可作杖

篋筴竹 皮最堅利

陽春縣志

卷之一

輿地

四十七

木之屬

紫荊 舊志有今無

楠 今無

今無

鐵梨 今無

杉 一名沙木

柏 又側栢

榕 有大葉細葉二種

樟

松 又有水松

波蘿 績密可器

赤檣 今甚罕

桃榔

椽 音稿良以桂椽為良

椽 可為器

椴 有數種

栗

秋風 類梓性最耐土

柯 有赤白二種

楓

柳

蠟木

水沙 類羅漢松

山蘆 子油可榨

紅蘆 性堅堪為屋材

槐

桐

桑

水椰 子葉類如

烏柏

君遷 俗名牛奶樹

芷重 俗名蠟竹樹

錐 今無

棉

穀 即楮也 可為紙

椿

椴

相思

木槎

黃桐

硃砂 類杷

白本香 即牙香

香楓

花之屬

蘭

樹蘭 一名蘭

鶴蘭 花若建蘭

地蘭 蔓生 能殺人食

蓮

菊

茶蘼

紫薇

桂花

玉蘭 一名木蘭

素馨

茉莉

陽春縣志

卷之一

輿地

四十八

薔薇

海棠

芙蓉

山茶

剪春羅

剪秋羅

鳳仙 俗名指甲花

杜鵑 俗名石榴冰

含笑

閻提 俗名狗牙花

佛桑

木槿

夜合

鷹爪

百日紅

梔子

秋海棠

露花 酒油名 露花油

山礬 又名七里香

夾竹桃 即柳葉桃

米碎花 古名 撒沫

辛纛

月季

萱

壽錦 又名馬纓丹

葵

碧桃

絳桃

金錢

千葉榴

玉繡毬

里香
繡毬玉

石竹

小桃紅

滿天星

雞冠

刺桐

金鳳
葉如扇
英如絲

挂蘭
有紅白
黃三色

鳳尾
花連
不斷

胭脂
俗名紫
茉莉

美人蕉
小於
芭蕉

紅蕉
花深紅
不結子

脫衣換錦
葉如
鹿葱

鐵樹
一數年
作花或

草之屬

茶
清開採製
可亞松羅

萋葉

葵
俗以作
蓑衣

箬
取葉作笠
俗呼白葉

冬葉
狀如焦
較細軟

烟葉

莞
可織
席

蒹葭

蘆

茅

菅

陽春縣志

卷之一
輿地

四十九

藤之屬

黃藤

白藤

清香藤

藤盆藤
蔓延
藤麻

苦藤
鄉民多
用駕牛

牛繩括藤

買麻藤
麻可
結網

青藤子
即假
素馨

禽之屬

翡翠

駿鷄
似山
鷄

白鷓

寶鴨

鷓鴣

鶴
有白
黃各種

金錢鷄
今甚
罕

山鷄

鴛鴦

畫眉

山鵲

鶻鶻

鷓鴣

杜鵑

秦吉了

戴勝 俗名釘

官鵠 一名山

五色鳥

鷓鴣

鸛

鳩

鴉

鷓

鷹

火鳩 世傳黃魚所變

布穀

伯勞

鵝鵝 俗名水鷺

水鶴

豁雞 聲豁豁故名豁

燕

鷓鴣 俗呼相思子

鶻鴒

鳩鴿

蛄 似蝙蝠

蝙蝠

獸之屬

熊 今無

虎

豹

牛

陽春縣志

卷之一 輿地

五十

豬

羊

狗

猫

鹿 今無

猿

獼猴 山之巖多有

風母 類猿常喜倒懸

石羊 今無

木狗 今無

山豬 山之間近

箭 即豪豬

山馬 似馬有角今無

麋 麋類

豺 今無

狼 今無

狸 名打豹

獾 今無

鼬 尾可製筆

竹鼠 類鼠肥美

上倫 亦竹鼠類

獺

鱗之屬

鱸

鯽

鯉

鯰

鱧 俗呼班魚

鮠 俗呼草魚

鮎

鱧

鱮

鰕 卽師婆魚

鱖 一作鱖 俗謂之

鮡 俗呼沙溝魚

縵

鰻 俗謂之黃鱔

鱖 俗名

塘虱

鰕 亦作蝦

介之屬

龜

蟹

螺

蜆 有黃白二種

蚌

蟲之屬

蠶 有家蠶有野蠶 陽春婦人多績麻少養蠶者

無絲蠶 見太平寰宇記

陽春縣志

卷之一 輿地

五十一

蜂

鼃

蝦蟇 一名蟾蜍

露花蟲 能化飛蛾

蝴蝶

蜻蜓

蟬

螳螂

斑蝥 甲蟲也

蟋蟀

蠅

蚊

蜥蜴 名蛤蚧 一種

蛇

水蛭 一名馬蝗

蜈蚣

蚱蜢 蝗類

蝸牛

山蜞 有青黃二種 善吮人別有一種名狗鼻 指入人鼻摸索不得 惟以醃醋含口中 手塞兩耳

則自出

蚯蚓

蟲

蠹

蟻娘

螞蟻

蜘蛛

蜘蛛

蜘蛛

螢

按陽春深山鉅谷林木蔚茂羽毛鱗介聚族蕃
滋聞之先民固衆材之淵藪也邇者人烟稠密
日就芟夷舊志所紀如紫荆楠桂熊羆之屬俱
烏有矣卽尋常器用亦資他邑此山童泉涸而
貨財所以日匱也關心民瘼者烏得不嚴山澤
之禁撙節愛養俾齊民受無窮之利乎